



Saksframlegg

Saksnr:	Utval:	Dato
	Levekårsutvalet	

Sakshandsamar:	Kultur- og aktivitetseininga	Eileen M Feste
	Arkivnr.: 16/15	Klassering:

Kulturmidlar - hovudtildeling vår 2016

Rådmannen sitt framlegg til vedtak

Levekårsutvalet vedtek rådmannen sitt forslag om tildeling av kulturmidlar – hovudtildeling våren 2016.

.....

Saksopplysningar:

Politisk handsaming

Saka skal avgjerast i Levekårsutvalet

Bakgrunn

Kommunestyret har løyvd kr 2.037.600 til Kulturmiddelføremål for 2016. Levekårsutvalet vedtok i sak 07/16 «Rammer for kulturmidlar 2016», følgjande fordeling;

Kategori	Ramme for kulturmidlar 2015	Ramme for kulturmidlar 2016	Endring frå 2015 til 2016
Idrett	715.200	715.200	Ingen
Kulturformidling / musikk	512.700	512.700	Ingen
Barn- og ungdom	297.500	327.500	Auka med kr 30.000
Andre kulturaktivitet	189.800	228.400	Auka med kr 38.600
Kulturvern og samlingar	272.400	203.800	Redusert med kr 68.600
Avsette midlar til tildeling hausten 2015 (frist 01.	50.000	50.000	Ingen

september)			
Totalt	2.037.600	2.037.600	

«Kulturvern og samlingar» vart redusert med kr 68.300 frå 2015 til 2016. Bakgrunn for dette var at ein over fleire år har sett at det har vore lite pågang av søknadar til «Kulturvern og samlingar». Kvart år dei siste 4-5 åra har denne posten hatt att ei rest etter hovudtildelinga på ca kr 50-70.000. Ein har difor valt å fordele kr 68.300 på dei kategori der det har vore størst pågang av søknadar dei 4-5 siste åra – kategori «Barn- og unge» og «Andre aktivitetar».

Levekårsutvalet vedtok 21.01.14 retningslinjer/kriteria for kulturmidlar i sak 08/14. Dette på bakgrunn av ei større gjennomgang av eksisterande retningslinjer. Desse trådte i kraft 01.02.14 I følgje retningsline har dei kommunale kulturmidlane som målsetting å styrkje fellesskap og livskvalitet i lokalmiljøet. Gjennom støtte til det lokale kulturliv ønskjer Lindås kommune å stimulere til utvikling av nye idear, samarbeid og eit aktivt kulturliv med mangfald samt å gje alle høve til å oppleve kunst og kultur.

Frist for å søkje kulturmidlar er;

Drift	15. mars
Aktivitet/prosjekt	15. mars med resttildeling 01. september
Investering	15. mars

Lindås kommune informerer om frist for å søkje kulturmidlar gjennom lokalavisar, Facebook, heimeside og epost.

Det har ikkje vore auke i løyvingane til kulturmiddelføremål i perioden 2012-2016. I praksis vil det seie at lag/organisasjonar mottar mindre tilskot i 2016 enn i 2012 om ein justerer for prisvekst og inflasjon. Tal frå SSB synar ein prisstigning frå januar 2012 til mars 2015 på 5,6%, noko som tyder på ein reell nedgang på om lag kr 114.500 i verdien av kulturmidlar i nemnde periode. I Kulturplan for 2010-2020 (rullert) heitar det ;

«Mål: Betre rammevilkår for lag/organisasjonar.

Tiltak: Auka ramma for den økonomiske tilskotsordninga».

Vi ser ei klar tendens til meir informative søknader der søkerane legg ved nødvendig dokumentasjon. Administrasjonen har sendt ut informasjon/rettleiing på dei punkt som vi ser mange har hatt utfordringar med. Slik informasjons- og rettleiing vil vi fortsette med. Om det er behov for meir informasjon til lag/organisasjonar om kva ein kan søkja aktivitet/ prosjektmildar eller investeringsmidlar til, så kan det vere aktuelt med temakveld i samarbeid med Lindås idrettsråd og Lindås kulturråd.

Lindås kulturråd har hatt saka til høyring i møte 19. april 2016 – se vedlegg. Rådet tek opp 4 punkt;

1. Ramma for kulturmidlar har vore uendra dei siste 5 åra.
2. Kulturrådet ønskjer å fjerne kategori «drift», «aktivitets/prosjekttilskot» og «investeringstilskot». Ein ser for seg at laget leverar ei søknad med dei behov laget har for midlar til drift, prosjekt og investeringar.
3. Årlege tilskot til Lindås kulturråd og Lindås idrettsråd vert øyremerka midlar og utanom kulturmidlane.
4. Større andel av kategori «ban og unge» bør delast ut i samband med hovudtildelinga.

Kategori	Ramme 2016	Rådmannens innstilling	Differanse
Barn og unge	327.500	177.900	149600
Kulturformidling / musikk	512.700	512.575	125
Andre kulturaktivitet	228.400	181.890	46510
Kulturvern og samlingar	203.800	204.000	-200
Idrett	715.200		
Avsette midlar hausttildeling 2016	50.000		
TOTALT	2.037.600		196.035

Om Levekår vedtek rådmann si innstilling, vert det kr 246.035 (kr 196.035 + kr 50.000) til tildeling hausten 2016, inkludert kr 50.000 som Levekår vedtok i ramme for 2016 tildelinga.

I kategori «barn og unge» og «andre kulturaktivitet» har rådmannen innstilt på noko mindre enn Levekår har vedtatt i ramma.. Det skyldas færre søknadar og mindre prosjekt/investeringar. I 2016 har ein også valt å styrkje kategori «Barn & unge» og «Andre kulturaktivitetar». Kategori «Kulturvern og samlingar» vart redusert tilsvarande. Dette vart gjort på bakgrunn av erfaringar ved tildeling dei siste 5 år.

Dei midlane som eventuelt måtte vere som overskot på dei ulike kategori, vil gå til hausttildeling 2016 med søknadsfrist 01. september. Erfaringar frå hausttildeling dei siste åra har vist at ein har søknadar på ca kr 400-500.000.

2310 BARN & UNGE

Til disposisjon: kr 327.500

Rådmannens forslag: kr 177.900

Driftstilskott

Tildelingsnøkkel

Tiltak	Grunnstønad	Under 20 år	Over 20 år
Drift	3000	200	100

Osterfjorden Sokn søker driftstilskott til desse gruppene; Fredagskaféen (samlar 50-80 ungdommar kvar fredag i Ostereidet Kyrkje), Jungelgjengen (eit søndagsskuletilbod i Hjelmås Kapell), Ostereidet Barnekor (samlar medlemmar frå Eikanger og Ostereidet skulekrins), Sprell levande (eit søndagsskuletilbod i Ostereidet Kyrkje), Te Deum (eit vaksenkor som held til i Ostereidet Kyrkje), Osterklang (eit aktivt kyrkjeorkester i Osterfjorden Sokn).

Samhald II 4H er ein landsomfattande, ideell barne- og ungdomsorganisasjon som er livssynsnøytral og partipolitisk uavhengig. I februar kvart år reiser styret og klubbbrådgjevarane på styrevervskurs og klubbbrådgjevarsamling. Søkjar tilskott for å dekkja dette.

Cisv Nordhordland sender barn og ungdom på internasjonale fredsleirar.

Lindås Ungdomslag driv med teater, dans, foto og video og er opent for folk i alle alder.

Kløyheim Søndagsskule har samling annankvar søndag gjennom året. Mellom 12-16 barn til stades. Dei nyttar «Sprell levande» som formidlingsopplegg.

Alversund KFUK KFUM Speidare driv speidararbeid innan KFUK-KFUM sine retningslinjer. Jobbar for å utvikle barn og ungdoms ferdigheiter og sjølvstendig. Flittig bruk av naturen. Treng utstyr for å drive speidaren. Sender også speidare på patruljeførarkurs.

Pinsemenigheten Eben Eser Fammestad. Junioren i Eben Eser kjem frå skulekrinsen til Kløyheim skule. Dei har samling anna kvar tysdag. Inne og uteaktivitetar, mat og samlinsstund. Det er familiesamlingar vår og haust eller kosekveldar en laurdag for borna.

Kløyheim F Ungdomslag driv med vanleg ungdomsarbeid, barneleikarring, teatergruppe, bordtennisgruppe, handarbeidsgruppe, kino med vidare. Søkjar om midlar til drift av Ungdomshuset Nyheim.

Aktivitets/prosjektilskot

Samhald II 4H er ei ideell barne- og ungdomsorganisasjon som er livssynsnøytral og partipolitisk uavhengig. Samhald II 4H er ein av dei største klubbane i Hordaland med 59 medlemmar i alderen 10-18 år, og 9 medlemmar 20+. Samhald II har lenge hatt ei Paintball bana som no treng oppgradering. Tidlegare har dei vore avhengig av å leige utstyr, men ynskjer å investere i utstyret sjølv.

Adrian Vågenes Villanger søkjar tilskot til deltaking i NM i vektløfting i Fredrikstad i slutten av april. Han er rangert som den 3. beste i landet i si gruppe og løftar tilsaman 400 kg i dei 3 kategoriane markløft, benkpress og knebøy. Han er medlem av Nordhordland styreløftklubb

Ungdomslaget Heimhug søkjar midlar til ombygg

har sendt 2 søknadar om aktivitets/prosjektilskot. Ei søknad er frå undergruppe HUK (Hjelmås ungdomsklubb) og ei søknad frå Hjelmåsrevyen. Det er hovudstyret som skal søkje på vegne av laget, inkludert alle undergrupper. Søknadene vil verte behandla samla. Hovudstyret må fordele eventuelle midlar mellom sine undergruppe.

Ungdomslaget Heimhug søkjar midlar til ungdomsklubben til å innreie eit kjellarlokale i ungdomshuset slik at ungdommane i bygda har ei god møteplass der dei kan ha sosialt samvær, spele brett- og tv-spel og prate saman.

CISV Nordhordland sender barn og unge på internasjonale fredsleir. I 2016 skal dei sende delegasjonar til Polen, Norge, Mexico, Jordan og Danmark. I tillegg skal dei arrangere eige leir for 11-åringar på Seim. Delegasjonar frå 12 ulike nasjonar deltek – totalt 80 deltakare. Leiren varar i 4 veke frå 01. juli. Dette er eit stort løft for CISV Nordhordland.

Human-etisk forbund Nordhordland er ei livssynssamfunn, ei interesseorganisasjon og ei seremoni-leverandør. I samband med konfirmasjon arrangerer dei konfirmanthelg i Dyrkolbotn. Tema for helgen er menneskerett der m.a. Rafto stiftelsen har vore inne med eit opplegg. Det er 23 konfirmantar frå Lindås kommune i 2016. Totalt i Nordhordland er det 43.

Investeringar

Kløvheim ungdomslag søkjar tilskot til nytt kjøkken. Kjøkkenet som står i dag er frå 1992. Etter mange års bruk, og ein del lekkasjar i gammalt tak, er det eit stort behov for at kjøkkenet vert restaurert. Det er meininga å skifte tak, golv og veggjar. I tillegg er det meste av teknisk utstyr utslite/utdatert og har sterkt behov for utskifting.

Ungdomslaget Heimhug har eit lite , men godt brukt lagshus i Hjelmåsbygda. I 2015/2016 har dei hatt «prosjekt oppgradering av kjøkken» som fokusområde. Dei skal investert i diverse kjøkkenskap, nye røyrdelar, ny benkeplate, bord og stolar. I tillegg jobbar dei for å betre lydutstyr i huset. Dette utstyret vert mykje brukt på ulike arrangement. Nokre av investeringane er allereie gjort i 2015.

3750 KULTURVERN OG SAMLINGAR

Til disposisjon: kr 203.800

Rådmannens forslag: kr 204.000

Lindås kommune har ei Samlelegat. Denne rettar seg m.a. mot kulturminner og bygdebøker. Kommunestyret har gjeve rådmann i oppgåve å få avvikla legatet. Dette arbeidet er pågåande, så det er ikkje høve til å nytta legatet inntil Lotteri- og Stiftelsestilsynet har kome med ei avgjerd. Det ligg føre nokre søknadar om tilskot til ulike bokprosjekt.

Driftstilskot

Bygdeboknemda for Lindås sokn har arbeid med biletsamlinga si i 2015. Samlinga har vore til stor nytte for andre arbeid, m.a. vart det brukt bilete frå samlinga då boka om Kyrkjejubileet på Lindås vart laga i 2015. Laget vil i 2016 jobbe vidare med biletsamlinga og arrangere slektsgranskingskurs. Vidare planlegg dei å fortsette med intervjuarbeid samt leggje til rette stoff frå samlingane, bilete og tekst.

DS Oster vart erklært ferdig restaurert av Fylkesmannen i Hordaland 11. juni 2005. Å vedlikehalde ei slik båt er kostnadskrevjande. I 2016 er det budsjettert kr 492.000 til nødvendige kontroller, seterfisering, reperasjonar og liknande DS Oster får støtte frå m.a. Hordaland fylkeskommune og Riksantikvaren – tilsaman kr 270.000.

Eknesvågens venner (EV) er ein ideell organisasjon med føremål å skapa og driva kulturaktivitet i Eknesvågen. EV arrangerer bokkafé kvar sundag 8 mnd i året. Dei arrangerer 2-fjellstur som er open for alle. 17. mai har dei kransnedlegging ved minnesmerke til Ingvald O. Eidsheim og KNM Hitra. Årleg arrangerer EV Eknesvågsdagen, i tillegg til eit utal arrangement i samband med Kystsogeveke. EK arrangerer også songkveldar, julekai med tenning av juletre, strikkekafe, ryddar turløype, lagar utstilling mm. EK gjer også intervju med eldre folk, for å læra om deira oppvekst og dialekt.

Lindås sogelag søkjar midlar til vidareutvikling av elektrosamling og maritim samling på Feste. I magasinet i Knarvik planlegg dei å setje inn ny dør til samlinga. Vidare er det behov for å skaffe nytt museumsdataprogram «PRIMUS» samt ny pc og biletbehandlingsprogram.

Nordhordland husflidslag arbeidar med å fremme god norsk husflid, kulturelt, sosialt og økonomisk. Dette gjennom kurs, utstillingar, torgdag, messer, foredrag, temakvelder mm. I 2016 ønskjer dei å auke aktiviteten m.a. oppgradere vevstova, gratis barneaktivitet på arrangement, arbeide med trykking av rekonstruerte rosemønster for belte og bringeduk samt arbeide med ull aktivitetar for barn og unge. Laget mottok driftsstøtte frå Radøy- og Meland kommune.

Osterfjorden mållag er eit lokallag under Noregs mållag. Mållaget si oppgåve er å fremje nynorsken. Det har dei gjort gjennom vervekampanjar, kulturkvelder, delt ut barneblad til barnehagar og skular, hatt konsertar, bokkvelder mm. I 2015 vart det gjeve ut julesongheftet «Kling no, klokka», ei ny utgjeving av tidlegare songhefte.

Prosjekt- og aktivitetsstøtte

Nordhordland frie vikingar ønskje å satse spesielt på barn og unge med historisk kulturformidling av profesjonelle handverkar og kunstnare. I år vert Viking og mellomalder marknaden på Lyngheiseret open i tida 10-12 juni. Det kan ein se og oppleve historisk handverk og formidling. Nordhordland frie vikingar tek sikte på å gje ei framstilling av «slik kan det ha vore» i form av gjenstandar, bilete og kunstnarisk framføring, musikk, kampsport og vikingleikar for barn.

Alversund grendelag er ei interesseorganisasjon for alle som bur i grenda Alversund. Grendalaget ønskjer å restaurere dei to bautastein som står i området – ei v/Alversund kyrkje, den andre nede v/kraftlagskaia. Bauta v/kyrkja er reist for å heidra falne under krigen. Skrifta er i dag knapt synleg. Det vert søkt om midlar til restaurering av skrift.

Ved bautastein v/Kraftlagskaia, er det ønskje om å rydde kratt og lage sti. Ein vil gruse passen og sette ut benk.

Veteranbussklubb BNR tek vare på bussar og anna lokalt samferdselshistorisk materiell. Dei har 4 bussar. Klubben har dei siste åra samla stoff til å gje ut ei bok om samferdsle i Nordhordland frå 1860 talet til BNR vart kjøpt opp i 2001. Boka skal etter planen kome ut hausten 2016. veteranbusslaget søkjar kommunane i Nordhordland om kr 5.000 i tilskot. Dei reknar med kr 100.000 i inntekt på boka. Trykke utgiftar er rekna til kr 130.000

Comino Forlag søkar tilskot til bokprosjektet «Korpsbok for Nordhordland». Målsettinga med bokprosjektet er å beskrive og formidle det unike miljøet og den påverkinga det har hatt på lokalmiljø og musikkutviklinga i Nordhordland.

Hausten 2015 vart Comino Forlag tildelt kr 14.000 i kulturmidlar frå Lindås kommune til bokprosjektet

Prosjektet har ei kostnadsramme på kr 1.175.000. Kr 875.000 skal utgjere tilskott frå kommunar/fylkeskommune og andre tilskot.

Ei eventuell tilskot frå Lindås kommune må vere avhengig av at prosjektet får fullfinansiert prosjektet. Før utbetaling må dette vere bekrefta av Comino forlag.

Vidar Lehmann søkjar tilskot til prosjektet «Motor og kommunikasjonshistorie i Nordhordland. Søknad om tilskot til rehabilitering av ein Chevrolet 1929 rutebil». Etter at bilvegane vart bygd, var dette den eine av to første rutebilane i denne delen av Nordhordland. Rutebilen dekte området Eikanger, Ostereidet, Bjørsvik og Stranda, Ved å frakta passasjerar, varer og post til og frå dampbåtane, mellom dei D/S Oster, var den aktuelle bilen det landbaserte leddet i den heilmotoriserte transportkjeda mellom Bergen og grendane i området.

Prosjektet har ei kostnadsramme på kr 375.000. Det er søkt tilskot frå fleire aktørar. Det er rekna ca 2600 dugnadstimar.

Laget for Vestlandske Fjordfe er eit aktivt lag med ca 165 medlemmar som arbeider for å kunne bevare dei gamle storferasane på vestlandet. Laget har engasjert forfattar Roald Pettersen i Ålesund til å skrive ei bok om Fjordfe kua som var i ferd med å dø ut. Prosjektet har ei kostnadsramme på kr 240.000.

«**Mongstad – bygda som var**» er ei bok som vil ta for seg dei siste 100 åra Mongstad eksisterte som bygd. Boka startar i 1865 med ein presentasjon av dei som budde i bygda då. Det er folketeljingar frå 1865 som er grunnlag for dette. I tillegg inneheld boka mange fleire artiklar og ikkje minst bilete. Det eldste bilete dei har er frå 1909. Boka vert avslutta med å presentera alle som flytta frå Mongstad i 1972. Boka skal etter planen gjevast ut hausten 2016

Lemstove Storholmen ligg på Padøy i Osterfjorden. Huset er truleg bygd på slutten av 1880 talet, på same tid som postopneriet og landhandelen på øya så dagens lys. Hovudhuset eiges i dag av Anders og Line Heimvik. Huset har i seinare år vore brukt som fritidsbolig, men er nå blitt i så dårleg stand at det må gjennomførast ei total restaurering for å bevare som kulturminne.

Lemstova er registrert i Askeladden (Riks som eit kulturminne i Lindås. I Kulturminneplan for Lindås kommune 2011-2021 heiter det m.a. «skal ein peika på særpreg for regionen og trekk som vi raskt assosierer med Lindås og Nordhordland er det gjerne små sjøbruks/industrimiljøa langs fjordane og **kystkulturlandskapet**; lynghei og villsau, steinmurar, **lemstovar** og ein og annan brakekledd bygning.»

Restaurering av gamal lemstova på Padøy kan vere eit viktig prosjekt både for å ta vare på kulturlandskap på Padøy og lemstova. Padøy ligg rett i leia for båttrafikk innover i Osterfjorden. Sjølv om ikkje prosjektet skal ha noko offentleg rolle, er det viktig å ta vare på miljøet ei finn langs leia.

Prosjektet har ei kostnadsramme på ca 1.5 mill. Bygningsvernssenteret Voss/Hardanger er engasjert i prosjektet.

Investeringar

Eknesvågens venner er ein ideell organisasjon med føremål å skapa og driva kulturaktivitet i Eknesvågen, der dei driv Bokkafeen. Laget disponera 25 m2 i 2. høgda. Der planlegg dei å innreie til galleri. Laget har samla inn nokre hundre gamle bilete som dei ønskjer å stilla ut permanent. I tillegg vil dei opne for at lokale kunstnare skal kunne ha ein stad å syne fram kunsten sin.

3770 KUNSTFORMIDLING- OG MUSIKK

Til disposisjon : kr 512.700

Rådmannens forslag: kr 512.575

Fordelingsnøkkel:

Tiltak	Grunnbeløp	Under 20 år	Over 20 år
Skulekops	40.000	300 pr medlem	125 pr/medlem
Voksenkorps	8.000	250 pr/medlem	150 pr/medlem
Voksenkor	5.000	200 pr/medlem	125 pr/medlem
Barnekor	8.000	250 pr/medlem	150 pr/medlem

Levekårsutvalet har ikkje gjeve støtte til t.d. plateinnspeling eller til lag som har sitt virke i andre kommunar. Eit døme på unntak er Norsk kulturskuleråd som søkjer driftsstøtte til Barnas Festspill. Fleire unge musikantar frå Lindås kulturskule deltek kvart år på dette arrangement.

Medaasprisen blir årleg tildelt ein utøvande kunstnar som i Ivar Medaas si ånd tek utgangspunkt i lokale musikalske tradisjonar, og som brukar eigen dialekt. Medaasprisen vart første gong utdelt i 2000. I 2015 vart Herborg Kråkevik og Jon Eikemo heidra med prisen. Den vert delt ut under konsertarrangement som dei siste åra har funnet stad på Nordhordland folkehøgskule i Meland.

Medaaspriskomiteen har fleire gongar blitt oppfordra til å flytte arrangementet tilbake til Lindås kommune. I søknaden er dette kommentert slik. «arrangement på Nordhordland folkehøgskule i påvente av kulturhus i Lindås kommune...»

Alversund kammerkor er ei blandakor tilslutta Noregs kyrkjekesongforbund. Dei driv korverksemd med innøving og framføring av songar og musikalske verkar av sakral og profan karakter med hovudvekt på sakral musikk. Koret planlegg å framføre Juleoratoriet av J.S. Bach før jul i Knarvik kyrkje.

Alversund mållag er eit medlemslag ii Norges mållag og arbeider for å fremja nynorsk språk og kultur gjennom ei rad ulike tiltak. Kulturelletiltak retta mot barn er prioriterte. Laget gjev kvart år ei bokgåve til barnehagane og småskuleklassane. Laget har arbeidd saman med andre mållag i regionen for å setja søkjelys på språklege følgjer av kommunereforma, og i mars 2016 med eit større fagseminar om språk og integrering.

Songlaget Alvidt/Manger er eit blandakor. Våren 2016 planlegg dei korkafe i Knarvik. Dei deltar elles på songarstevne, syng på julekonsertar og sjukeheim og andre stader der dei vert invitert.

Lindås skulekorps er eit skulekorps for barn og unge i alder 9-19 år. Korset har 12 musikantar, 8 juniorer og 3 aspirantar. Korpset deltek på ulike arrangement, slik som Hordablæsten der dei nådde delt 14. plass (2015).

Nyheim kino er eigd og vert dreve av medlemmar av Kløvheim ungdomslag. Kinoen engasjera vaksne og ungdom frå 14 år. Kinoen hadde i 2015 100 framsyningar fordelt på fredag, laurdag og søndag frå slutten av august fram til byrjinga av mai.

Knøtekoret er eit kor for barn i alderen 3-6 år. Øving og aktivitetar i Knarvik kyrkje. Koret legg vekt på song, dramaleik og dans. Dei har formingsaktivitetar innimellom. Koret har 2 framføringar pr/semester.

Alversund musikklag er einaste amatørkorps med janitsjarbesetning (treblåse-, messingblåse- og slaginstrumenter) i Lindås kommune.

Leiknes blåseorkester er eit brassband. Blåseorkesteret vart stifta i 1990 etter at skulekorpset vart nedlagd. Orkesteret har i all hovudsak hatt tilhald på Leknes skule, men i samband med byggearbeid, har dei hatt fleire konsertar m.a. på Ostereidet og kappelet på Hjelmås. Når Storstova på Leknes står ferdig, skal orkesteret ha sine øvingar og konsertar der.

Alversund skulemusikkorps er for barn og unge i alderen 5-19 år. Korpset hadde i 2015 21 medlemmar i hovudkorpset, 11 aspirantar/juniorer. Korpset deltek på mange arrangement i løpet av året, t.d. «Hordablæsten», ulike basar, konsertar og øvingshelar.

Ostereidet skulemusikk har i dag 16 musikantar og 5 aspirantar og er eit korps i vekst. Korpset deltek på «Hordablæsten» og «Vossablås», «Mangerfestivalen», arrangerer basar og ulike arrangement. Korpset har eit ønskje om å utvida øvingane frå ein til 2 i veka.

Eikanger/Bjørsvik musikklag er eit elitekorps og Lindås kommune si «flaggskip» innan brass band bevegelsen i Norge. E/B er særleg opptekne av regionens skulekorps og er ei stor og viktig bidragsyter til opplæring og inspirasjon for skulekorpsmusikantane. E/B gjev også undervisning i styrearbeid til skulekorpsstyrane. E/B er opptekne av lokalt engasjement og å føre vidare regionens lange og gode korpstradisjonar. Dei siste 4 åra har E/B delteke på EM i brassband, sist i Freiburg i Tyskland. Korpset er opptekne av høg kvalitet og har høge ambisjonar både lokalt, nasjonalt og internasjonalt.

Knarvik skulekorps tel i dag 55 medlemmar - 8 aspirantar, 16 juniorar og 31 hovudkorpsmusikantar. Korpset spelte i 2015 på 17. mai/jualften, deltok i NM i brass, «Sotrafestivalen» og «Hordablæsten». I tillegg kjem fleire konsertar i løpet av året. Korpset har 3 hovudverdiar!. Det beste opplæringstilbodet i brassmusikk 2. Engasjement og moro og 3. Fellesskap på tvers av aldersgruppe

Strilen artist og viseklubb har sendt tilsaman 6 søknadar om kulturmidlar – 1 driftstilskot, 2 søknadar om aktivitets- og prosjekttilskot og 2 søknadar til investering. Slik det kjem fram av søknaden, kan det synes som om aktiviteten er delvis kommersiell. Medlemskveldar har alkoholservering og inngangspengar. Dei ønskjer å trekke til seg noko yngre medlemmar og vil i samband med dette arrangere låtskrivarkurs for ungdom.

Klubben er involvert i eit prosjekt retta mot mindreårige asylsøkjjarar som skal bu på mottaket på Vågseidet. Klubben har fått også fått midlar til dette av IMDI.

Strilen artist og viseklubb er knytt til Hundvin og Dalsheim ungdomshus. Dei ønskjer å finne og utvikle talantar gjennom å gje dei høve til å framføre sine eigne ting på scene, i eit kreativt miljø og til eit publikum. Som det går fram av søknaden, vert det arrangert artist og visekveldar. Dei fleste av desse er med alkoholservering. Viseklubben ønskjer å legge til rette for nokre alkoholfrie visekveldar for å trekke yngre medlemmar.

Viseklubben har skissert 6 satsingsområde for 2016;

1. Artist- og visekveld med kortare program = meir tid til prat og sosialt samvær

2. Prøve ny form for medlemskveldar = open mikrofon og lokal artist. Nokre kveldar vert alkoholfrie arrangement for å trekke yngre medlemmar
3. Invitere fleire til talentutvikling = jamnelege minikonserter/samspelskveldar
4. Oppsøkjande verksemd = Nokre av medlemmane ønskjer å besøkje skular og andre institusjonar
5. Midlar til kurs og integrering tiltak = søkjar midlar til kjøp av gitarar og til instruktør som kan gje opplæring i gitar. Gje tilbod til ungdom på Hundvin samt å kunne gje eit tilbod til mindreårige asylsøkjjarar som skal bu på mottaket på Vågseidet.
6. Midlar til kurs = låtskrivar- og songkurs

Skodvin skulemusikk vart stifta i 1976 og feirar 40 årsjubileum i 2016. Dei har sine øvingar på Skodvin Montesorryskule og deltek i 3 konkurransar i året. Korpset deltek også på konsertar lokalt og utanfor bygda. Dei har som mål at å spele i korps er så gøy at ungdommane trivst og vil fortsetje til dei har oppnådd aldersgrensa for skulekorps.

Songoret Albatross er eit blandakor med øvingsbase i ungdomshuset Nyheim på Fammestad, Medlemmane kjem stort sett frå Kløvheim, Myking og Lindås. Koret deltek på julekonsertar, nyttårskonsertar, påskekonsertar, kor kafear, 17. mai arrangement, songstemnar og fleire andre arrangement, både åleine og i samarbeid med andre. Dei har ofte samarbeid med Strilaringen og med Lindås/myking kontori. Dei har som mål å vere blant dei beste kora i Nordhordland.

Kløvheim skulekorps er eit av dei eldste skulekorps i Lindås, stifta i 1948. Korpset trekkjer musikantar frå andre korps som ynskjer større utfordringar enn det dei får i «heimekorpsset». Det at mange av dei blir verande etter først å ha fått prøvd seg, betyr at trivsel og miljø i korpset er godt.

Oster brass er eit brassband i 1. divisjon som består av musikantar frå 15 til 55 år frå heile Nordhordland. Korpset har det siste året engasjert fleire dirigentar som skapar utvikling og når mål på ulike område. Eikanger/Bjørsvik Musikklag, Manger Musikklag og Krohnengen Brass band er nokre av dei elitekorpsa som har rekruttert medlemmar frå Oster brass.

Lindås songlag er eit blandakor heimehøyrande i bygda Lindås. For tida har koret 23 medlemmar. I 2016 planlegg koret m.a. sommarkonsert i Balestrand, tradisjonelle haustkonsert, julekonsert, deltaking på «V3erdas lengste sjømatbord» på Lindås.

Nordhordland kunstlag vart stifta i 1991. Føremålet er å fremje, utvikle, engasjere og dele interessa for alle former for kunst og kultur i Nordhordland.. I 2016 ønskjer kunstlaget å tilby kurs, arrangere utstillingar og foredrag som er opne for alle kunstinteresserte. Dei ønskjer å gjere seg meir synleg i lokalmiljøet og arbeide for unge kunstnare. Dei ønskjer også å vere eit tilbod for nye landsmenn/kvinner.

Musikkens Venner Nordhordland har som mål å arrangera konsertar med lødig musikk av høg kvalitet. Dei er opptekne av å presentere eit breitt musikkutval. I 2015 arrangerte dei 7 konsertar med 1.361 besøkjande. I 2016 planlegg dei 7 arrangement, t.d. «Johannes Kleppevik kveld i ord og tonar», Medlemstur til Festspelkonsert i Bekkjarvik», konsert med nokre unge musikarar som har delteke på den internasjonale Grieg konkurransen».

AKTIVITET/PROSJEKT TILSKOT

Norsk kulturskuleråd søker tilskot til «De unges Festspilldag 2016». Dette er eit årleg arrangement i samband med Festspela i Bergen. I år vert det arrangert 07. juni med opning i Logen. Dagen vert avslutta med festførestelling i Peer Gynt salen i Grieghallen. Rektor ved Lindås kulturskule er med å arrangere, og kvart år deltek fleire elevar frå Kulturskulen i Lindås på Festspela. Dette er eit høve for unge utøvarar innan musikk og dans å vise seg fram for eit publikum på ein profesjonell scene.

Oster brass vart stifta i 1981 og har 35 års jubileum i 2016. Dei søker midlar til «inspirasjonsdirigent» til jubileumskonsert. Denne ønskjer dei å nytte til å heve nivået, motivera og gje dei yngste ei god oppleving på eit høgt nivå, også utanom konkurranse.

Skala brassband er eit generasjonskorps som spelar på ulike arrangement i Lindås og Meland. Som det går fram av søknaden, har korpset eit prosjekt i høve til opplæring av det musikktekniske. Det er inga informasjon om korleis prosjektet vert organisert. I epost frå leier i bandet 14.03.16, heiter det; «Skala brass band har øvingane sine i Meland kommune. Vi har eit par av medlemmane busett i Lindås kommune, og har også nokre speleoppdrag der i løpet av året, bl.a. på friluftsgudsteneste i Bøkeskogen i juni.»

Monica Eide skriv, arrangerer og gir ut eigne låtar innan singer/songwriter sjangeren. Vanlegvis med eigne tekstar på engelsk, men har og gitt ut låtar med tekst av Aslaug Låstad Lygre. Musikken har dei sisten åra blitt spelt jamt på NRK Hordaland. Den har også blitt brukt i tv-seriane «Nomino» og «Unge lovende» på NRK, samt i spelefilmen «Sebastians verden». I 2016 ønskjer Monica å gi ut 2 singlar, ein på vårparten og ein til hausten. Målet er å få speletid på radio og slik fremje musikk frå Lindås kommune.

Alversund musikklag er eit amatørkorps med janitsjarbesetning i Lindås kommune. 27 medlemmar i alderen 15-70 år. Prosjektet går ut på å arrangere sommarkonsert med «oldboysar», og håpet er at nokre av desse kan tenka seg å spele aktivt igjen. Vidare ønskjer dei å delta i JanAm i Haugesund og invitere med fleire ungdom frå skulekorpset i Alversund. Det er viktig å drive rekrutteringsarbeid for å kunne bevare janitsjarmiljøet i Nordhordland.

Eikanger/Bjørsvik Musikklag skal arrangerer «Feriespel 2016». Det er venta mellom 70-100 barn og unge i alderen 9-19 år. I dei 4 dagane spela skal vare, vil dei unge få undervisning både i grupper og i samlingskorps. Høgt kvalifiserte instruktørar gjer dette arbeidet på dugnad. E/B ønskjer at dette skal gje ringverknadar i form av stimulans for grasrotnivået til å stå på vidare!

Vegard Eide er muskar, 23 år og kjem frå Fammestad. Sidan 2014 har han skrivte tekstar til «Mimra», Lindås sogelag sii årlege sogeskrift. I 2015 feira «Mimra» 10 års jubileum, og Vegard skreiv og framførte «Mimra-songen», ei hyllest til Mimra. Prosjektet Vegard søker midlar til er å få spelt inn låta hos Daniel Hauge ved Lydetaten i Isdalstø. Målet er å få publisert låten samstundes som Mimra 2016 kommer ut og å skape ekstra blest om sogeskrifta.

Hjelmås ungdomslag har lange tradisjonar for å sette opp revy. Denne trekker publikum langt utanfrå bygda. Revy er kostbart å produsere. Dei treng instruktør, musikkproduksjon i studio, spillemann på førestellingar, rekvisita, kostyme og sminke. Det går fram av søknaden at dette er naudsynte utgiftsposter for å kunne setje opp eit revy med god kvalitet.

INVESTERINGAR

Oster brass søkjar midlar til kjøp av nye uniformer i samband med 35 års jubileum. Uniformer har ei kostnadsramme på kr 60.000. Vidare ønskjer Oster brass å fortsette med digitalisering av notearkiv. I 2014 og 2015 blei det gjennomført oppdatering av arkivskap og mapper for arkivet og kjøp av scanner for kulturmidlar dei fekk til prosjektet. No er det behov for kjøp av pc, arkivskap og mapper til lager for å få gjennomført prosjektet.

Alversund musikklag søkjar midlar til rehabilitering av toalett i lagshuset på Alverflaten. Under stormen i vinter blåste det nokre takstein av huset like over toalettet. Vann rann inn og gjorde skade på vegg, golv og vindaug. Forsikringa dekkar berre vatn som kommer frå grunn og ikkje ovanfrå. Toalettet kan ikkje brukast slik det er.

Alversund skulemusikkorps søkjar midlar til kjøp av oppbevaring- og transportkassar for trommesett.

3850 ANNA KULTURAKTIVITETAR

Til disposisjon: kr 228.400

Rådmannens forslag: kr 181.890

Fordelingsnøkkel

Tiltak	Grunnbeløp	Under 20 år	Over 20 år
Velforeningar	1500	50	0

Driftsmidler

H-feltet velforening er ei velforening for alle bebuarane i H-feltet i Knarvik, omn omfattar alle som bur i Litlevika og Burkhovdane. Dei arbeidar med å halde vedlike og utvikle fellesareal i feltet. Fellesareal er i hovudsak 2 store leikeplassar og interne gangvegar. Dei arbeidar med trivselstiltak, slik som t.d. jonsokfeiring. Dei bidreg med utspel og informasjon rundt trafikktryggleik, beplantning osv. I 2016 har dei som mål å skifte ut fleire leikepart på leikeområdet samt ha eit «bli-kjend-med-naboen» arrangement.

Vestre Vassbygd Grendahus ligg på Søreide ved Storavatnet. Styret i grendahuset jobbar for å skape ei levande og inkluderande bygd. Grendahuset vert nytta som møteplass for ulike arrangement, samt til utleige. Av arrangement kan nemnas m.a. familiedag om våren, med felles middag. I pinsen vert det arrangert fjelltur med påfølgjande fellesmiddag på grendehuset. Huset vert nytta til ungdomsklubb (5-7 klasse) og barnedisko (1-4 klasse). Huset har også vore nytta til pub med skjenkeløyve, dans og quiz. Laget har over 100 medlemmar i alderen 0 til 20+, men har ikkje medlemskontingent.

Hundvingrend Indremisjon er ein organisasjon som driv kristent arbeid på Konglevoll bedehus. Dei har mellom anna Laurdagstimen frå 0-20 år, Tweens frå 4-7 klasse, Nattkafé frå 7 til 10 klasse, diverse

familieaktivitetar samt møter og bibeltimar for vaksne. Dei har 85 medlemmar under 20 år og 30 medlemmar over 20 år.

Natås Bedehus er eit vanleg bedehus med møteverksemd og utleige til feiring av dagar. Det er behov for ny inngangsdør då denne er dårleg og treng utskifting. Det same gjeld vindauga i hovudsal. Det er også eit sterkt ynskje om å få betre belysning i hovudsalen. Medlemskontingent 100 kroner, står oppført med 5 medlemmar.

Hindenes og Åsgard Grendalag er eit grendalag for dei to bygdene Hindenes og Åsgard. Det er omkring 100 innbyggjarar i bygda. Grendahuset er ein samlingsplass for innbyggjarane og blir brukt til ulike samankomst, både formelle og uformelle. Dei søkjar om pengar til drift og vedlikehald av grendahuset samt leikeplass og uteområdet rundt.

Lindås Indremisjon/Lindås Bedehus: Lindås Bedehus er eit forsamlingshus som er eigd av Lindås Indremisjon, som er tilknytt Nordhordland Indremisjon. Bedehuset er i bruk til oppbyggelege møter kvar veke. Møta er opne for alle. Mange av dei som nyttar seg av tilbodet er i godt vaksen alder. Ein arrangerer også jamlege møter som er tilpassa familiar med born og ungdom. Dei søkjar om tilskot til å dekke noko av utgiftene ved drifta av Lindås Bedehus. Dei største utgiftene i forbinde med sjølve drifta går til oppvarming (straum), forsikring og vassavgift. I tillegg kjem vedlikehald som dei også søkjar midlar til. Dei har 14 medlemmar over 20 år og ein kontingent på 100 kroner.

Ostereidet Bygdelaag er eit fritt og sjølvstendig lag utan tilknytning til andre organisasjonar. Dei arbeider for å utvikla skulekrinsen til beste for fellesskapet. Alle som bur i barneskulekrinsen kan delta i laget sine aktivitetar og ingen kan stengast ute grunna sosiale, politiske eller religiøse syn. Laget skal arbeide for å styrka lokalsamfunnet sosialt, kulturelt, næringsmessig og samarbeida med alle gode krefter og lag i skulekrinsen, kommunen og andre offentlege organ.

Undomslaget Idun på Eknes driver Ungdoms og Kulturhuset Alvheim. Dei arrangerer og legg til rette mellom anna for barne- og ungdomsaktivitetar, samtidig som dei også legg til rette for at Alvheim også kan nyttas som eit kultur og aktivitetshus også for vaksne. Dei driv «Discokula» ein gang i månaden, et arrangement for barn som per i dag har nær 50 betalande medlemmer. Dei legg til rette for at ungdomsklubben «Entry» skal drive sin ungdomsklubb på ein god måte. Ellers driv dei kulturkafé og basarar samt nokon pub-kveldar. Dei har dei siste tre årene drevet med renovering, vedlikehald og oppgradering av lokalane for nær 400.000. Dette vil sannsynleg ferdigstillast i løpet av 2016.

Lindås Pensjonistlag vart skipa i 1977, og står tilmeldt Pensjonistforbundet. Laget fungerer godt som positiv og sosial møtestad for mange eldre i bygda. Per i dag er det 129 medlemmer, og av desse møter kring 60 på våre månadlege medlemsmøter i Kyrkjelydssenteret på Lindås. Laget skipar til temakveldar, turar og driv seniordans i Lindåshallen. Siste åra har laget påtatt seg hovudrolla for Eldredagen. Aktivitetsplan for 2016 er på same nivå som i 2015 med 10 medlemsmøter, julemiddag på Westland Hotell, aktivitetsdag i Lindås Senter, eldrefest, seniordans tre torsdagar i månaden, bowling på Litlås, samlekveld i kyrkja, førstehjelpskurs, ein 4-dagars tur, teaterturar og dagsturar med buss samt nødvendige styremøter og administrasjon av alt dette.

Knatten Burettslag eig i fellesskap med Rabben og Lyngmarka eit felles uteområde. Dei disponerer ein leikeplass, ei fotballbane og eit grøntanlegg. Dette blir mykje brukt av både bebuarar og

barnehagar. Dette fører til stor slitasje. Dei søker om støtte til vedlikehald av uteområdet slik at det haldast i forskriftsmessig stand.

Bygdekino på Lygra med framsyning på Lyngheisenteret. Bygdekinoen har framsyning kvar 14 dag, med ein barnefilm klokken 18 og ein vaksenfilm klokken 20. Det er vanskeleg å drive kino med overskot då bygdekinoen krev ein fast sum for kvar framsyningsdag. Det er viktig å halde på aktivitetar som foregår på bygda. Det kjem også besøkande frå store delar av Lindås Kommune til Lygra for å sjå ein film eller to. Bygdekinoen vil utan tilstrekkelig ekstern finansiering, stå i fare for å bli avvikla.

Lindås Kulturråd skal arbeida for best mogeleg tilhøve for kulturen i Lindås Kommune. Kulturrådet skal vere ein arena for samarbeid mellom frivillige lag og organisasjonar innan kulturfeltet, som ikkje høyrer inn under NIF. Lag som i hovudsak er registrert i frivilligregisteret, kan verte medlem.

Romarheim Indremisjon er ein aktiv organisasjon som er medlem av Indremisjonsforbundet. Dei arbeider for at fleire skal få meir kunnskap om og kjennskap til Bibelen og den kristne trua. Aktivitetar som bedehusmøter, barne- og ungdomssamlingar og strikkekafé.

9 barn og 24 vaksne, kontingent 50 for barn og 100 for vaksne.

Aktivitets- og prosjekttilskott

Heilt Orgiginalt! Er eit enkeltpersonsføretak drive av Elisabeth Tonheim. Verksemda driv innan kulturformidling. Dette gjerast gjennom produksjon av kunst, handverk og redesign ved bruk av gamalt materiale andre kastar. Dei seinare åra har mykje av tida vore brukt i prosjektarbeid for å fremja Lindåsbygda si historie, etablere nye opplevingar og auke samarbeid. Dette har mellom anna LivOGLyst-prosjekt, Verdast Lengste Sjømatbord, etablering og drifting av Sjøparken i Lindåsosane,

Osterfjorden Sokneråd ynskjer å gjennomføre dagsturar for pensjonistar. Osterfjorden Pensjonistlag er ein del av soknerådet sitt diakonale arbeid i kyrkja.

Lindås Revmatikerlag er ein frivillig organisasjon som driv trening i varmtvatn på LOAS. Dei søker midlar til å kursa instruktørar i livredding i basseng. Dei har og 25 års jubileum og ynskjer og markere dette med ein fest eller tur.

Hilland Velforening ynskjer å leggja til rette for ein større kultursti. Til dette treng dei material, duk, stein- og grusmasse. Dei ynskjer også å drive vedlikehald av eksisterande leikeapparat.

Nordhorsland Næringshage AS er ein næringshage under SIVA, med fokus på reiseliv, kultur og oppleving.

Bergen og Omegn lokallag av Norges Fibromyalgi Forbund. Kommer ikkje fram av søknad om nokon aktivitetar i Lindås Kommune.

Nordhordland Næringshage AS, prosjekt LivOGLyst- Lindåsbygda. Skapa trivsel og styrka identiteten til Lindåsbygda, auka aktivitetane mellom frivillige, kulturaktørar og næringsdrivande. Sentrale fokus i 2016 er Møteplassar (to aktive strikkekaféar), Arrangement (Verdast lengste sjømatbord samt julegate) og Samarbeid (kunst, handverk, lokalmat og turkafé).

Salt Bergenskirken/ Salt Nordhordland er ein menigheit som held til på Knarvik vgs. Dei skal arrangere Salt sosial, ein tradisjon som mange har glede av. I søknaden står dei oppført med 0 medlemmer og ingen kontingent.

Investeringar

Lindås Indremisjon eig Lindås Bedehus som er eit forsamlingshus. Dei ynskje å skifte ut varmpumpe, skifte hovuddør samt kjøpe nye aluminiumstiger.

Holy Riders Mc Nordhordland er ein kristen MC klubb. I takt med auka aktivitet dei siste åra har dei jobba med oppussing av klubbhuset. Dei planlegg å bytte dei største vindauge. Vidare ynskjer dei å oppgradere kjøkkenet.

Grendahuset Strilatun. Formålet med Seim Bygdearkiv er å samla inn og lagra dokument/protokollar frå lag og organisasjonar i bygda på ein brannsikker stad.

Romarheim Indremisjon eig Romarheim Bedehus. Dei ynskjer å få byggja eit handicap toalett, noko dei ser at det er behov for. Det viktigaste er HC toalettet men dei ynskjer også meir lagerplass og eit lite kjøkken til avlastning.

Vestre Vassbygd Grendahus ligg på Søreide ved Storavatnet i Lindås Kommune. Vestre Vassbygd er ein bygd i vekst og det er stadig fleire arrangement der huset vert nytta. Kjøkkenet er lite og gammalt og det er behov for å bytta ut kvitevarene. Det er også behov for eit nytt kjøkkenskap. Grendelaget ønskjer også å oppgradere uteområde samt nytt gjerde.

.....

Vedlagte saksdokument:

2310 Barn & unge	110044	03.05.2016
3750 Kulturvern og samlingar	110045	03.05.2016
3770 Kunstformidling og musikk	110046	03.05.2016
3850 Andre kulturaktiviteter	110047	03.05.2016
Uttale vedk fordeling av kulturmidlar for 2016 (L)(161957)	110048	03.05.2016

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost